

梁武帝問誌公禪師因果文

北京八大處靈光寺



梁武帝問誌公禪師因果文

昔日蕭衍帝。卽梁武帝。心中樂善好愛修行。禮拜誌公和尚。爲國師也。惟有郗氏皇后。心不信善。造業深重。死後墮落。作一蟒蛇之身。武帝得師。究竟指明。心向修行。忽日宮中夜卧不睡。起往乘涼閣乘涼。須臾之間。聽得殿下嚙啐之聲。武帝舉眼一觀。只見一條蟒蛇。直至殿下。帝見失色。嘆而言曰。朕宮嚴潔。何

更有此蛇。恠只見其蛇。口作人言。告知我主。不要心驚。妾今不是別恠。乃是主宮中。郝氏遭貶。妾因在生。不信佛法。至今墮落。得此苦報。尙且無穴藏身。肚中饑餓。徧身鱗甲。多諸毒蟲。恆抱痛苦。無有休息。只得奔投。乞賴我王。慈悲爲主。憫念昔日。夫婦之情。施恩救拔。吾若得脫此苦。啣環當報。不負主恩。武帝見說。魂飛魄散。悶倒龍床。良久方甦。不見蟒蛇。

坐守天明。嗟嘆而曰。人若不能行善。豈有超昇之分。是故卽發誠心。投拜誌公和尚。啟問師曰。不知我郗氏夫人。何因緣故。死後墮作蟒蛇之身。○誌公答曰。此郗氏娘娘。祇因心不信佛。嫉妬六宮。不敬三寶。不修片善。祇說此間便是天堂。倚福受福。不信因果。不懼罪業。報應廣造無邊惡業。不堪言也。所以被值日功曹具錄文簿。奏上天界。牒下冥司。依罪

判斷。打失人身。作一蟒蛇之報也。○帝復請
曰。乞賴我師。金口究竟。云何懺悔。超度他去。
禪師答曰。若要救拔超度。然當我主發心。合
宮齋戒。大辦齋供。延請五百高僧。啟建道場。
稱揚佛法。我皇親自禮拜。檢尋藏典。禮懺誦
經。求哀懺悔。畢竟出離苦海。超生天界也。
武帝見說。心生歡喜。卽發誠心。合宮齋戒。依
師之言。命請五百聖僧。修建道場。投佛懺悔。

聖僧檢尋藏典。宣出大藏靈文十卷。號曰梁
皇寶懺。帝乃誠心懇切。仗承三寶威光。接引
郗氏靈魂。現出蟒蛇之跡。直至道場。壇下盤
纏幾匝。醜惡驚人。僧眾登壇禮佛。誦經行道。
繞旋果然。郗氏受恩薦拔。卽脫蟒蛇之體。獲
得天人之身。影現雲端。禮謝而去。良因已竟。
因果昭然。自後武帝。又加信心。精進修行時。
時不昧良因。刻刻搜尋義理。帝又復曰。已

蒙指示超拔夫人。如是觀之。善惡業緣。受報好醜。如影隨形。果然不昧。吾今復問。寡人今作一朝人主。未知前世作何功德而來。請師究竟。誌公答曰。我王欲問前世修因之事。吾今不便言說。武帝聞言。心中慚愧。又復問曰。朕今拜你爲師。云何不說。弟子願欲聞知。誌公答曰。我皇前世是個樵夫。只因上山砍柴。遇見山間靈壇古廟。庵宇朽爛。惟有

古佛一尊。雨淋日晒。無人侍奉。汝自發起善心。將已頭上簪笠一個。遮蓋佛身。佛以天眼觀見。有此善心。讚言善哉善哉。貧苦布施。甚爲希有。汝如來世。當作上人。是故今生。得此福報也。武帝見說。心中喜悅。自思念之。若捨這些。就得爲帝。我今更作大福不難。厥後武帝。又勅聖旨。徧行天下。五里一庵。十里一寺。建立不覺日久。歲深。武帝惹得大病。仍去

問師。寡人今發大善。徧造庵宇。今且大興善因。如何反加大病耶。誌公答曰。汝說興善因。我言作惡業。帝曰。我師何故說話顛倒了。已前說我捨笠蓋佛。今得帝位。是故我今發大善心。勅旨建庵。興崇佛事。更是大福。云何說我造惡也。師曰。我王前世捨笠蓋佛。乃是無意之中。傾心布施。故得大福。你今勅行天下。廣造庵宇。自己又不捨財施利。惟使天下百

姓之力。但爲主上造庵。以此人人受苦。個個艱辛。磨殺世人。不知幾何。所以天下軍民。盡皆怨嘆。雖是真命天子。難當萬民遭怨。故曰。汝是造業人也。武帝聞說。心中慚愧。復問師曰。吾今太子。徧身瘡疥。日夜不安。未知是何緣故。師言。皆因此業累及於他。帝曰。如此萬望。吾師。究竟寡人如何懺悔。得生福也。誌公答曰。我主若要懺悔。仍然快勅聖旨。曉

諭天下。卽將錢糧賞給工貲。自然有福。太子
安康。若欲修諸善事。不得空勞眾力。如用眾
力者。務宜償賜工資。或是矜孤惜寡。愛老憐
幼。或有僧道及貧子。來化討者。方可發心不
得輕欺。爲僧有善者。身貧道不貧。故來化引
者。能令汝等。爲善事故。若空慢他去。元是自
己錯過了也。自後你家祖宗煩惱。香火神不
安矣。武帝又問人不修捨作福。祖宗香火

神爲何生煩惱。答曰。人家祖宗或有生前未修善作福。死後久滯幽冥受苦。專望陽世子孫爲善積福。有善因相助。亦得沾恩減罪。所以子孫不爲善事者。他無所靠。故生煩惱。人家香火神。正是門丞戶尉。井竈神君。土地神等。掌管人家住宅。亦復愛人行善。亦可同沾善力也。帝又問曰。僧道修行。信是好事。如何又要去化緣。誌公答曰。我佛釋迦如

來。有大慈大悲。愍念眾生。猶如赤子。平等救度。佛在兜率天上。觀見一切眾生。雖得人身。在世。只知恩愛貪戀。但知受福。不肯作福。只知造業。不知懺悔。受盡陽命。死入幽冥。受大苦惱。無有出期。故從兜率。下降人間。托生梵王宮中。爲悉達太子。棄捨皇宮。雪山修道。成等正覺。普度眾生。法說四十九年。教啟三百餘會。教化佛門弟子。住在一方一所。且要教

化一方人慈。回心向善。修辦前程。正是與佛
掌教。所以此佛歡喜。龍天擁護。若爲出家者。
遊手好閑。不務究理。不肯看經念佛。不去搬
柴運水。不顧常住。空消信施。辜負四恩。如此
之人。罪業不輕也。若是好僧道人。早晚之中。
務要勤叅三寶。苦下慇懃之心。勿起懈怠之
意。看見常住淡泊。或是庵堂佛像朽壞。應當
發起勇猛精進之心。募緣修整。施主錢米不

可私自受用。務要公平正直。交入常住。公使公用。乃是化緣者之功德也。古人云。難行能行。難做能做。方是出家之佛子。學道之好人。是以天寬地闊。男女善心者多。若不去化他。縱有錢米。無處下手作福田也。乃是僧道有過。枉在空門。爲人無慈悲心。不肯引他出苦。僧道善人。化到你家。汝若慳吝不捨。是自己當面錯過了也。武帝又問有等不善僧道。

及俗子。不務正事。作隊成羣。打哄過日。冒借
善事爲端。提疏化緣者如何。誌公答曰。化緣者。其中有論。若是真正僧道。
善人來化緣者。事因端正。不作僞事。或是朔
立庵宇。裝塑佛像。或修橋砌路。或供佛齋僧。
或建修道場。或念佛誦經。或隱關坐禪。一切
公用者。其事不僞。功德難量。如或在世。懶惰
過日。不務做個好人。不顧父母家鄉。投入山